

施設論卷第一

跋九

西天譯經三藏聖教目錄在釋迦傳及師 賜紫尚書法華經 奉 詔譯

對法大論中世間施設門第一 按釋論有此 門於本 九開

對法大論中因施設門第二

論中問曰有何所因轉輪聖王所有女寶妙色端嚴眾所樂見超人狀貌如天色相答轉

跋九

輪聖王彼女寶者往昔修因其事廣大能以清淨諸物布施所謂清淨莊嚴具并餘飲食衣服塗香鉢香床座舍宇及燈明等以如是因故輪王女寶妙色端嚴眾所樂見超人狀貌如天色相

又問何因輪王女寶不白不黑膚色中均不長不短不肥不瘦身分亭等答彼女寶者往昔修因其事廣大能行布施謂以諸色香味皆具足者飲食等物自手持奉起無慢心行於布施以如是因故所有女寶不白不黑膚色中均不長不短不肥不瘦身分亭等又問何因輪王女寶寒時溫暖適意快樂答

彼女寶者往昔修因其事廣大謂若有時冬際嚴凝大風吹擊境色極寒人所惶畏女寶是時於其父母知識及師尊所并餘沙門婆羅門眾不生惱害而復愛樂不惱害者即以溫暖事用所攝所謂衣服卧具塗香鉢香床座舍宇爐炭火具并餘溫暖應用等物廣行

布施以如是因故輪王女寶寒時溫暖適意快樂又問何因輪王女寶熱時清涼適悅快樂答彼女寶者往昔修因其事廣大謂若有時熱際炎燠日光熾逼隨熱生蟲人極增惱女寶是時於其父母知識及師尊所并餘沙門婆羅門眾不生惱害而復愛樂不惱害者

即以清涼事用所攝謂持衣服卧具塗香鉢香牀座舍宇承足寶机寶嚴環釧多摩羅香及多羅香所成眾具并餘應用等物廣行布施以如是因故輪王女寶熱時清涼適悅快樂又問何因輪王女寶身諸毛孔有旃檀香口中常出優鉢羅花香答彼女寶者往昔修

因其事廣大謂於父母知識及師尊所并餘沙門婆羅門衆不生惱害而復愛樂不惱害者即以沉水薰陸鬱金多摩羅等及餘上妙諸香廣行布施以如是因故身諸毛孔有旃檀香口中常出優鉢羅花香

又問何因輪王女寶侍從轉輪聖王先起後

踐九

二

坐不失規儀隨何所作悉能承奉勤力無慢而復愛語答轉輪聖王於長時中隨所作用善業增強長養成熟現前勝報以如是因故獲感女寶愛語承順

又問何因輪王女寶能令轉輪聖王悅意稱順然無染心况乎身語無不調柔答轉輪聖

王具大威德於彼彼衆生曾無異心超人意表以如是因故所感女寶悅意稱順然無染心又問何因輪王女寶王欲行時或坐立時而悉先知即向王前作是白言快哉聖王所欲行邪或坐立邪悉當隨從答彼女寶者往昔修因其事廣大謂具慈心於欲界中觀諸

衆生於義所欲於利所欲及安樂欲或若衆生起無利欲不安樂欲悉起慈心慈眼觀視以如是因故輪王女寶於王進止而悉先知又問何因輪王女寶超勝世間常品女人如星中月答彼女寶者往昔修因其事廣大謂自不殺生復教他人持不殺并自不偷盜不

邪染不妄語不飲酒復教他人一一修持以

如是因故輪王女寶超勝諸女如星中月

又問何因輪王女寶不乳產邪答一切女人

共所病者謂即胎藏乳產之苦彼女寶者於

長時中少病少惱作諸善業長養成熟現前

勝妙果報克成以如是因故輪王女寶而不

踐九

三

乳產又問何因輪王女寶先於輪王而趣命

終答彼女寶者修諸善業長時不斷現前勝

妙果報克成以如是因故輪王女寶先於轉

輪聖王而趣命終又問何因輪王女寶於諸

女中獨得生天答彼女寶者本性賢善而復

廣修十善業道以如是因故輪王女寶於諸

女中獨得生天又問何因轉輪聖王得有主
藏臣寶答轉輪聖王往昔修因其事廣大謂
若有時極寒極熱王於彼等寒熱時中於其
父母知識及師尊所及餘沙門婆羅門衆不
生惱害而復愛樂不惱害者隨時應用妙好
醫藥及所愛樂上味飲食并餘所須承事供
給彼等受已身無不潔衣無不覆於晝夜中
常受快樂以如是因故轉輪聖王而能獲得
主藏臣寶彼主藏臣寶者大富自在廣多眷
屬庫藏珍寶財穀豐盈受用增積善業報生
而具天眼能見伏藏若有主宰若無主宰若
水若陸若近若遠來詣轉輪王所乃至種種
豐足供給勤力無倦恭白王言天了所須財
寶等事悉能奉上過去一時有轉輪聖王意欲
試驗主藏臣寶即命寶船涉水遊行乃召主
藏臣寶而謂之曰汝今宜應以財寶等供我
所須時主藏臣寶曰轉輪聖王言聖王就岸
我當奉上王之所須若不就岸事應難作時

王即當廻以寶船安泊岸側彼主藏臣寶前
詣王所右膝著地肅恭嚴奉作潔淨已兩手
捧持四金所成上妙寶餅滿盛衆寶獻奉王
前白言聖王受我所奉上妙衆寶即說須曰
清陰細雨從天降 俯近炎天盛夏時
舉以衆寶奉輪王 及施餘諸貧匱者
彼等受已皆快樂 丐者咸生歡喜心
由斯業報廣無窮 獲得最勝大財富
有大神力具天眼 當為轉輪聖王尊
又問何因主藏臣寶獲得大富廣多庫藏受
用增積答主藏臣寶往昔修因其事廣大謂
能布施一切沙門婆羅門衆諸貧窮者諸件
來者諸乞丐者授以飲食衣服花鬘塗香座
座舍宇燈明等物以如是因故主藏臣寶獲
得大富廣多庫藏受用增積
又問何因主藏臣寶勝業報生能具天眼於
諸伏藏若有主宰若無主宰若水若陸若近
若遠而悉觀見答主藏臣寶往昔修因其事

廣大謂於父母知識及師尊所并餘沙門婆羅門衆不生惱害而復愛樂不惱害者人於世間普爲一切癡黑暗冥作光明照授與燈明及然燈具破諸冥暗悉使明亮以如是因故主藏臣寶勝業報生能具天眼水陸遠近悉見伏藏復次頌曰

飲食衣服花鬘等

往昔曾與清淨心

自手持奉開施門

復以燈明照諸暗

得爲主藏大臣寶

近侍名稱轉輪王

廣多富盛具大財

能獲天眼見伏藏

又問何因轉輪聖王得有主兵臣寶答轉輪聖王往昔修因其事廣大謂於父母知識及

師尊所并餘沙門婆羅門衆不生惱害而復愛樂不惱害者於諸昏黑暗冥作光明照施以燈具悉使明亮以如是因故轉輪聖王得有主兵臣寶彼主兵臣寶者聰睿明利善喻善察智慧具足至於王所以現世事正法義利輔贊於王於佗世事正法義利亦悉轉贊

疏九

五

於兵衆中知其王意存者存之去者去之不勞王力亦復不假四兵運用無使疲懈而彼一切自然歸伏復次頌曰

世間昏黑暗冥者

昔作燈明爲照耀

施諸燈具及光明

悉使廣大皆明亮

又於父母及知識

并餘沙門婆羅門

廣作燈明普照明

咸得破暗而煥曜

由斯善業施安樂

并餘善作諸勝事

輪王以此勝報因

獲得大智主兵寶

又問何因主兵臣寶聰睿明利善喻善察具有智慧答彼主兵臣寶往昔生中昔因建立乃至極遠生生之前已盡已滅得爲人時於

諸沙門婆羅門聰睿明利具有智慧善伺察者故往親近恭敬請問何者是善何者不善何者有罪何者無罪何者所作當得勝上離諸罪業隨所聞已依法修行常善伺察常善思惟若事若因勤求請益作拯拔事行普救因增極恪志逼切而行以如是因故聰睿明

利具有智慧復次頌曰

往昔親近諸智者 勤求伺察眾善因
發起最上利益心 於一切處無疲倦
主兵臣宝由斯力 今得聰睿具智明
迅疾發興精進心 今為輪王主兵寶
對法大論中因施設門第三

惣說頌曰

轉輪聖王而具有 輪寶象馬并珠寶
女寶主裁及主兵 長壽無病具色相
適意自在復多子 廣如第三蘊中說
如論中說轉輪聖王即同如來應供正等正
覺復次頌曰

如論所說轉輪王 即同無上大法王
於此大地境界中 轉大法輪作善利
以彼轉輪聖王者 應觀即同佛如來
咸起悲心愍世間 廣利一切大寂默
如轉輪聖王有輪宝者應知即同如來應供
正等正覺出現世間所說聖八正道法以佛

所說八正道者能破世間一切煩惱於諸法
中得無障礙復次頌曰

轉輪聖王輪寶者 於此大地能摧伏
如佛開演八正門 解除一切魔怨縛
如轉輪聖王有象寶者應知即同如來應供
正等正覺所說四神足法以佛所說四神足

者能破世間一切煩惱於諸法中得無障礙
復次頌曰

轉輪聖王白龍象 騰空來往悉自在
如來神足亦復然 瞿曇名稱廣神化
如轉輪聖王有馬寶者應知即同如來應供
正等正覺所說四正斷法以佛所說四正斷

者能破世間一切煩惱於諸法中得無障礙
復次頌曰

輪王青身妙馬寶 圓具調馴迅若風
如佛曰正斷法門 速證無為寂靜果
馬相嚴好頭頂黑 而彼馬寶輪王乘
如來四正亦復然 瞿曇名稱廣自在

如轉輪聖王有珠寶者應知即同如來應住
正等正覺天眼具足以佛如來具天眼者隨
諸衆生有所樂欲佛以天眼悉能觀察
復次頌曰

輪王瑠璃妙珠寶 普徧照曜悉光明

如來天眼亦復然 普徧觀照悉無礙

跋九

七

如轉輪聖王有女寶者應知即同如來應供
正等正覺四姓親近謂刹帝利婆羅門吠舍
首陀於佛世尊現所恭敬持以飲食衣服及
餘牀座病緣醫藥奉末世尊復次頌曰

如彼轉輪大聖王 最上大富具大財

瞿曇聖主大名稱 四姓恭敬亦如是

如轉輪聖王有主兵臣寶者應知即同如來
應供正等正覺具大勝慧以佛大慧能破世
間一切煩惱解除魔縛於諸法中得無障礙
復次頌曰

主兵臣寶善伺察 復能決擇諸義利

如來大慧亦復然 解除魔怨諸結縛

如轉輪聖王壽命長遠久住世者應知即同
如來應供正等正覺久住世間隨諸衆生所
有願求悉令圓滿若住一劫或過一劫是謂
長壽轉輪聖王正法化世住壽一劫亦復如
是如轉輪聖王少病惱者應知即同如來應
供正等正覺無諸損惱痛苦不生

復次頌曰

轉輪聖王少病惱 最上正法化世間

世尊大師具名稱 無病無惱常安樂

如轉輪聖王妙色端嚴具三十二大丈夫相
一切人衆傾渴瞻仰者應知即同如來應供
正等正覺三十二相清淨圓滿一切衆生瞻

仰無厭復次頌曰

輪王正法化於世 相好端嚴衆樂觀

亦如世尊妙相嚴 最勝功德皆具足

如轉輪聖王衆所瞻觀生悅意者應知即同
如來應供正等正覺一切衆生欣樂瞻仰觀
者咸生適悅之心復次頌曰

輪王正法化世間 見者咸生欣悅意
如來大師最上尊 衆生瞻觀皆欣慶
如轉輪聖王千子圓滿色相妙好勇猛無畏
善伏化軍者應知即同如來應供正等正覺
善化一切衆生修行得果勇猛無畏摧煩惱
力趣真實道復次頌曰

跋九

八末

轉輪聖王有千子 勇猛無畏色相嚴
能摧化勇具力能 正法真實而治化
如來大師化衆生 悉使修行住果位
四向四果無畏尊 此等是謂八人地
施設論卷第一 跋九

施設論卷第二

跋十

對法大論中因施設門第四

西天譯經三藏聖教太子藏經光祿傳梵天師佛紫雲白雲護摩奉 詔譯

總說頌曰
二瑞相出現 作護胎無染 完具無欲心
快樂及不坐 鹿皮以承接 七步觀四方

跋十

語言及二龍 及阿難往事 天花與天樂
林座捨莊嚴 受草見法衣 悲心現神化
又問何因菩薩最初於兜率天宮歿已降母
胎時一切大地皆悉振動若龍威力故以諸
龍王得聞菩薩大威德者兜率天宮歿已降
神母胎乃從水中跳躍而出心生歡喜適悅
慶快乘空盤旋往返游泳樂欲瞻觀菩薩聖
相龍出水故水即大動以水動故大地振動
又復菩薩決定當成如來應供正等正覺已
勤爲衆生宣說出要離生善法是故上鼓於
風中搖於水下振於地此是菩薩先現瑞相
又問何因菩薩最初從兜率天宮歿已降母
胎時有大光明普照世間所有一切黑暗昏
冥悉得明亮日月威光映蔽不見是時所有
一切衆生蒙光照已互得相見咸作是言奇
哉仁者有異大士生此界邪答以菩薩大士
大威德者最初從彼兜率天宮歿已降母胎
時有欲色界諸天子衆聞其菩薩大威德者